

Рицүимейкан Ази Номхон Далайн Их Сургууль

БАКАЛАВРЫН ЗЭРГИЙН ХӨТӨЛБӨР

АНДС (Ази, Номхон далай судлал)

АНДМ (Ази, Номхон далайн менежмент)

МАГИСТР, ДОКТОРЫН ЗЭРГИЙН ХӨТӨЛБӨР

МВА (Бизнесийн удирдлага)

ОУХАБ (Олон улсын хамтын ажиллагааны бодлого)

АНДС (Ази, Номхон далай судлал)

LIGHT UP THE WORLD



立命館アジア太平洋大学





Ritsumeikan Asia Pacific University

Азийн сод билэгт залуусыг урьж байна

АНДИС нь шинэлэг сургалтын систем болон багш, оюутны бүрэлдхүүн олон үндэстнээс бүрдсэн байдгаараа Японы хамгийн шинэлэг их сургуулийн нэг болсон билээ. Өнөөдөр дэлхийн зах зээл дээр бусад улс орон, соёлын талаархи мэдлэг зайлшгүй шаардагдаж байна. АНДИС дээр та дэлхийн 70 гаруй орноос ирсэн оюутнуудтай харилцах болно. Ийм орчин нь гадаад харилцааны чадварыг хөгжүүлж, бусад орны соёлын тухай ойлголт өгч чадна. Төгсөгчдийн 90 гаруй хувь нь Японы корпораци, байгууллагуудаас ажлын санал авдаг тус их сургууль Азийн сод билэгт залуучуудаар дэлхий ертөнцийг гийгүүлж байна.

Дэлхийн эдийн засаг Ази Номхон далайн бүс нутагтай бүх талаараа холбоотой болжээ. Улсын болон хувийн хэвшлийнхэн аль аль нь тогтвортой өсөлтийг хангах гол хүчин зүйл бол мэдлэг боловсрол, ажлын туршлагатай мэргэжилтнүүд гэдгийг хүлээн зөвшөөрдөг. АНДИС-ийн оюутнууд бизнес, нийгмийн шийдвэрт үр дүнтэй нөлөөлж чадах чухал албан тушаалуудад ажиллаж чадах итгэл төгс, чадварлаг боловсон хүчин болж төгсдөг. Та нар дэлхийд хүлээн зөвшөөрөгдсөн шинэ үзэл санаагаар цэнэглэгдсэнээр дэлхийн тавцан дээр өрсөлдөхүйц үр дүнтэй бөгөөд үр ашигтай төлөвлөгөө зохиож чадах болно.



Байршил

125,000 хүн амтай Бэппү хэмээх жижиг хотын сайхан үзэмж Рицүймейкан Ази Номхон Далайн Их Сургуулиас илхэн харагдана. Бэппү нь Японы гольфтрогийн хамгийн өмнө зүгт орших Кюсю хэмээх томоохон арлын зүүн хойд эрэг дээр боссон хот билээ. Тус хот нь халуун рашаан элбэгтэйгээрээ дэлхийд алдартай. 3000 гаруй рашаан булгаас нэг өдөрт нийт 140,000 орчим тонн ус ундардагаараа дэлхийд Америкийн Нэгдсэн Улсын Еллөүстөүний Үндэсний цэцэрлэгт хүрээлэнгийн дараа хоёрдугаарт ордог юм. Үзэсгэлэнт уул болон гялалзан долгилох Бэппү булангаар хүрээлэгдсэн хотын түүхт зам гудамж, тэнгэрт хөвөх цагаан үүлс нь түм түжигнэж бум бужигнасан Токиогийн их хөлөөс зайдуу, хуучны тайван сайхан хотын шинжийг илтгэнэ.

Гадаад оюутнуудад үзүүлэх тусламж дэмжлэг

АНДИС нь гадаад оюутнууддаа шинэ газар, шинэ орчиндоо дасаж төвхнөхөд нь олон талын тусламж дэмжлэг үзүүлдэг. Танилцуулга, удирдамж өгөх хичээл явуулах, оюутны хотхонд өдөр тутмын үйл ажиллагаа явуулж байна. Энэхүү тусламж дэмжлэг, явуулж буй үйл ажиллагааны маань гол зорилго нь оюутнууд амьдралын хэв маягийн өөрчлөлтөнд хурдан дасан зохицож, Япон орноос сурч мэдэх зүйлээ аль болох бүрэн хэмжээгээр нь мэдэж авахад нь туслахад оршино.

Ази-Номхон далайн оюутны байр

Олон үндэстэн ястнаас бүрдсэн оршин суугчидтай энэхүү байранд АНДИС-ийн хэдэн зуун гадаадын болон япон оюутнууд амьдардаг. Гадаадын оюутнууд АНДИС-д элссэнийхээ дараа доод тал нь нэг жилийн хугацаанд энэхүү байранд өрөө авдаг. Энэ оюутны байранд ор, ширээ, бие засах өрөө, угаалтуур,



агааржуулагч бүхий нэг хүний тусгай өрөөнүүдтэй юм. Нийтийн гал тогоо, хоолны танхим, шүршүүр давхар бүрт бий. Оршин суугчид нь мөн 24 цагийн компьютерийн өрөө, хоол, ундны автомат, уулзалтын өрөө, чийргэжүүлэх танхим зэргийг ашиглах боломжтой. Шинээр элссэн гадаадын оюутнуудад зөвлөгөө, тусламж үзүүлдэг оршин суугчдын туслах буюу ахлах курсын туршлагатай оюутнууд давхар бүрт байрладаг бөгөөд АНДИС-д сурч амьдрах талаар ямар ч асуултанд хариулахад бэлэн байдаг. АНДИС-ийн хичээлийн ба номын сангийн байрнуудаас хэдхэн алхмын зайтай орших АНД-н оюутны байр нь Японд дөнгөж ирсэн гадаадын оюутнууд шинэ амьдралаа эхлэх аюулгүй, тохь тухтай орчныг бүрдүүлдэг.

Мэдээллийн төв

Орчин үеийн мультимедиа тоног төхөөрөмж бүхий төв. Мэдээллийн төв нь бүх төрлийн мэдээлэл цуглуулж, солилцох төв юм. Энд номын сан, компьютерийн нарийн тоног төхөөрөмж, оюутнууд компьютерийн тусламжтай (CAI) хэлний мэдлэгээ дээшлүүлэх анги танхим байдаг.

Оюутны холбоо

Энэ байгууламж нь оюутнуудын хэрэгцээг хангах зориулалттай. Нэгдүгээр давхарт хоолны газар байрлахаас гадна хүнсний бүтээгдхүүн, өдөр тутмын хэрэглээний зүйл зардаг дэлгүүр байна. Хоёрдугаар давхарт кафе, клубуудын хурлын танхим, япон үндэсний өрөө, хөгжмийн студи, мультимедиа лаборатори байрлана.



Сурч Боловсрох

Өнөөдөр дэлхий ертөнцөд хил хязгаар, хэлний ялгаа арилж байгаа нь сурах шинэ боломж та бидэнд өгч байна. 70 гаруй улс орноос ирсэн багш оюутнууд их сургуулийн нийт багш оюутны 50 хувийг эзэлдэг. Та газар газраас ирсэн ийм оюутнуудтай хамт ажилласнаар багийн гишүүн, удирдагч байх талаар илүү сайн ойлголттой болж, дэлхийн аль ч оронд ажиллах бэлтгэлтэй болно. АНДИС-ийн оюутнуудад олон боломж бий. Тухайлбал:


Дадлага. Хэд хэдэн хичээлээр оюутнууд бодит асуудал шийдэж, мэдлэг чадвараа ирээдүйн ажил олгогчдод харуулах төсөлд оролцоно.

Семинар. Улс төр, бизнесийн ертөнцийн томоохон зүтгэлтнүүдийг АНДИС-д урьж Ази Номхон далай болон дэлхий ертөнцийн тулгамдсан сэдвээр лекц уншуулдаг.

Мэдээллийн технологи. АНДИС оюутнуудад хэлэлцүүлгийн бүлэгт оролцож, унших материал татан авч, хийсэн ажлаа сүлжээнд оруулах, интернет сургалтад бүртгүүлэх боломж өгөхийн тулд хамгийн орчин үеийн технологийг идэвхтэй ашигладаг.

Ажлын байр. Гадаадын оюутнууд ажил хайхад хэцүү байдаг. АНДИС-ийн Ажил мэргэжлээ сонгоход туслах хөтөлбөр оюутнуудад дотоодын болон гадаадын шилдэг компаниудад ажил олоход нь тусалдаг.

Японы Боловсрол, соёл, спорт, шинжлэх ухаан, технологийн яамнаас хоёр жил дараалан АНДИС-ийн өвөрмөц, дэвшилтэт сургалтын хөтөлбөрийг шалгаруулж “Сайн үлгэр жишээ” хэмээх шагнал олгосон.



Хэлний сургалт

АНДИС-д элсэхэд япон хэлний мэдлэг заавал шаардагдахгүй.

Бакалаврын сургалт - Хос хэлний сургалтын тогтолцоо

- 1, 2 дугаар курсын оюутнууд англи, япон хэлний аль нэг дээр хичээл үзэхийн сацуу өөр нэг хэл сурна
- 3, 4 дүгээр курсын оюутнууд англи, япон хэлний аль нэг дээр хичээл үзнэ
- Ази Номхон далайн бусад хэлийг сурах: хятад, солонгос, малай/индонез, испани, тай, вьетнам
- Дээд шатны оюутнуудад зориулсан япон хэлний төрөлжсөн хичээл: аман орчуулга, япон хэл заах аргачлал, бизнесийн япон хэл гэх мэт.

Магистр, Докторын зэргийн сургалт - Япон хэл заавал шаардагдахгүй

- Магистр, докторын зэргийн сургалт англи хэл дээр явагдана: Элсэх буюу төгсөхөд япон хэл шаардагдахгүй.
- Эрдмийн англи хэлний мэдлэгээ дээшлүүлэх хөтөлбөрүүд бий
- Сонирхсон оюутнуудад япон хэлний сонгон суралцах курс орно

Сургалтын хөтөлбөрийн үргэлжлэх хугацаа

Бакалаврын хөтөлбөр—4 жил

Магистрын хөтөлбөр—2 жил

Докторын (PhD) хөтөлбөр—3 жил

Түргэвчилсэн сургалтын хөтөлбөрүүд бий.

АНДИС-ийн бакалаврын сургалтын хөтөлбөрт кредитээ шилжүүлэх боломжтой—өөр их сургуульд авсан кредитээ АНДИС дээр тооцуулж болно. Оюутнууд 2 дугаар курсээсээ (гурван жил суралцаж төгсөнө) буюу 3 дугаар курсээсээ (хоёр жил суралцаж төгсөнө) шилжин ирж болно.

Ажил мэргэжлээ сонгоход туслах хөтөлбөр

АНДИС оюутнуудад зорьсон чиглэлээрээ цаашид ажиллах, төгссөнийхөө дараа ажилд ороход нь туслалцаа үзүүлдэг.

Бүрэн дэмжлэг туслалцаа. Ажил мэргэжлээ сонгоход туслах хөтөлбөр нэгдүгээр курсээс эхэлдэг бөгөөд зорилгодоо алхам алхмаар хүрдэг.

АНДИС-ийн ажил мэргэжлийн алба. Оюутан бүрийн мэргэжлийн сонголт, зорилгод таарах дэмжлэг туслалцаа үзүүлдэг.

Ажилд орох. Сүүлийн хоёр жилийн хугацаанд бакалаврын сургалт дүүргэсэн гадаадын оюутнуудын 90 гаруй хувь нь ажилын байртай болж чадсан.



Бакалаврын сургалтын чиглэлүүд

АНДС Ази Номхон далай судлал Нийгмийн ухааны бакалавр

АНДС-ын хичээл нь олон улсын харилцаа, олон улсын социологи, бүс нутгийн судлал гэсэн сэдвүүд дээр үндэслэсэн. Оюутнууд улс хоорондын "хүн, бараа, мөнгө, мэдээллийн" хөдөлгөөн дэлхий нийт, түүний дотор Ази Номхон далайн бүс нутагт ямар нөлөө үзүүлж байгааг судална. Оюутнууд манай гариг ертөнцөд тулгарч байгаа хөгжил, олон улсын хамтын ажиллагаа, зөрчил мөргөлдөөнийг шийдвэрлэх зэрэг зүйлтэй холбоотой янз бүрийн асуудлаас сонгож гүнзгийрүүлэн судалж болно. Тус хөтөлбөр нь Ази Номхон далайн бүс нутгийн чухал асуудлаар мэдлэгтэй сэтгүүлчид, олон улсын төрийн албан хаагчид, төрийн бус ба ашгийн бус байгууллагын ажилтнууд, янз бүрийн салбарын судлаач зэрэг олон улсын хэмжээнд ажиллаж чадах мэргэжилтнүүдийг бэлтгэх зорилготой.

ШИНЭ: Гүнзгийрүүлсэн холимог хөтөлбөр

АНДИС бакалаврын хоёр коллежийг холбосон олон сургалтын хөтөлбөрийг хамарсан Гүнзгийрүүлсэн холимог хөтөлбөр бий болгоно. Энэ хөтөлбөрийг сонгосон оюутнууд Ази Номхон далай судлал буюу Ази Номхон далайн менежментийн хөтөлбөрийн аль нэгэнд элсэж, янз бүрийн хөтөлбөрт орсон гүнзгийрүүлсэн шатны, өөр мэргэжлийн хичээлүүд үзэх боломжтой. Бий болгохоор төлөвлөж байгаа хөтөлбөрүүд (бүх нэрийг урьдчилсан байдлаар гаргав):

- Жуулчлал, өв, зочид буудлын менежмент
- Байгаль орчны загвар, хүний экологи
- Олон улсын стратеги судлал
- Мэдээлэл холбооны технологи
- Хэл соёл судлал

АНДМ Ази Номхон далайн менежмент Бизнесийн удирдлагын бакалавр

АНДМ нь Ази Номхон далайн бүс нутагт бизнесийн шинэ үнэт зүйл бий болгож чадах шинэ үеийн ажил хэрэгч хүмүүст дэлхийн хэмжээний цар хараа, асуудал шийдэх чадвар суулгах зорилготой. Корпорацийн менежментийн үндсэн ойлголтыг өгөхийн тулд сургалт нь менежментийн үндсэн сэдэвт төвлөрөхийн зэрэгцээ маркетинг, корпорацийн стратеги, нягтлан бодох бүртгэл, санхүү, олон улсын бизнес, харьцуулсан менежмент зэрэг төрөлжсөн чиглэлүүдээр хичээл ордог. Сургалтын сэдвүүд нь Ази Номхон далайн бүс нутагт хэрэгжүүлж болох корпорацийн менежментийн тэргүүлэх хандлагуудын талаар ойлголт өгөх зорилготой. Түүнчлэн гүнзгийрүүлэн төрөлжсөн сэдвүүд нь оюутан бүрт тодорхой сэдвээр гүнзгий мэдлэг олж авах боломж өгч байна. АНДМ хөтөлбөрийн оюутнууд үндсэн онолын мэдлэг олж авахын зэрэгцээ түүнийг хэрэгжүүлэх чадварт суралцдаг.





“АНДИС-д суралцах үед надад тохиолдсон хамгийн гайхамшигтай явдал гэвэл сургалтаа дүүргэж байх үедээ би дэлхийн гуравдахь том мэдээллийн технологийн компани Фүжицүд ажилд орохоор болсон явдал билээ.”

Сафван Хиндави, Арабын Бүгд Найрамдах Сири Улс

Магистр, Докторын зэргийн сургалтууд

Технологийн дэвшлийн үр дүнд Ази Номхон далайн бүс нутаг түүхэнд анх удаа тодорхойлж болох нийгэм эдийн засгийн нэгж болж нягтарсан. Энэ зуунд дэлхий ертөнц энэ бүс нутгийг анхааралтайгаар ажиглах болно. АНДИС-ийн бакалаврын дараах сургалтын хөтөлбөрт хамрагдаж байгаа оюутнууд өөрчлөлтийн тэргүүн эгнээнд байх боломжтой. АНДИС-ийн бакалаврын дараах сургалтыг дүүргэснээр таны оюуны мэлмий нээгдэж, дэлхий ертөнц болон түүний өгөх боломжийн талаархи бодол тань өөрчлөгдөнө. Манай хөтөлбөрүүд итгэл үнэмшлээ дахин эргэцүүлж, соёлын ялгааг давж гарах хүсэлтэй - дэлхий ертөнцийг эерэг тал руу нь өөрчлөхийг хүсдэг хүмүүст зориулагдсан.

Тус сургалтын олон багш нар олон улсын тэргүүлэх байгууллагууд, олон улсын хамтын ажиллагаа, хөгжлийн улсын болон хувийн байгууллагууд, Японы тэргүүлэх корпорациудад томоохон албан тушаал хашдаг. Эдгээр багш нар мэргэжлийн нэр хүндтэй эрдэмтэн багш нартай хамтран ажиллаж оюутнуудад ирээдүйн ажил сургуульд нь хэрэг болох онолын баттай мэдлэг олгохоос гадна манай бүс нутагт тулгараад байгаа бодит асуудлыг практикийн үүднээс шийдвэрлэх чадвар өгнө.



АНДС/ОУХАБ

Ази Номхон далай судлалын сургууль

Мэргэшил - Ази Номхон далай судлал (АНДС)

- Ази Номхон далай судлалын магистрийн зэрэг
- Ази Номхон далай судлалын доктор (PhD)

Асуудал дээр суурилсан арга техник хэрэглэснээр оюутнууд бүс нутгийн нийгэм, соёл, улс төрийн асуудлыг "Ази - дэлхийн тавцан" гэдэг хандлагаар судална.

Мэргэшил - Олон улсын хамтын ажиллагааны бодлого (ОУХАБ)

- Олон улсын хамтын ажиллагааны бодлогын магистрийн зэрэг
- Ази Номхон Далайн бүс нутаг дахь олон улсын хамтын ажиллагааны янз бүрийн чиглэлээр өндөр түвшний ур чадвартай болохыг хүссэн хүмүүст зориулсан мэргэжлийн сургалтын хөтөлбөр. Оюутнууд дараах дөрвөн чиглэлээс сонгон авч болно: Олон улсын төрийн удирдлага, байгаль орчны бодлого, удирдлага, жуулчлалын бодлого, удирдлага, хөгжиж буй орны эдийн засаг.



"Ангид уу, ангиас гадуур уу, клуб дээр үү, оюутны байранд уу яг хаана хэзээ энэ тохиолдсоныг мэдэхгүй. Ямар ч байсан АНДИС өөрийгөө болон зорилгоо харах миний бодлыг өөрчилсөн билээ."

Май Ядана Аунг, Мьянмар

МВА

Менежментийн сургууль (МВА)

Бизнесийн удирдлагын магистр (МВА)

- Санхүү, олон улсын бизнес, маркетинг, шинэчлэл, технологийн менежмент зэрэг сэдвийг голлон үзнэ. Саяхныг болтол олон хүн чанартай МВА буюу бизнесийн удирдлагын магистрын хөтөлбөрт суралцахын тулд АНУ-ын их сургуулиудад суралцах ёстой гэж боддог байлаа. АНДИС-ийн Менежментийн сургууль АНУ-ын сургуулиудтай дүйцэх чанартай сургалтыг Японд явуулдаг бөгөөд Азийн бизнесийг голлон үздэг онцлогтой. Тус сургуулийн сургалт нь Хойд Америкийн бизнесийн тэргүүлэх сургуулиудад хэрэглэдэг концепт, аргачлал дээр үндэслэсэн бөгөөд Япон болон Ази Номхон далайн бусад оронтой холбоотой жишээтэй хослуулсан юм. Хичээл өөр өөр соёлтой орны хүмүүсийн орчинд зөвхөн англи хэлээр явагдана. Ингэснээр оюутнууд бусдаасаа туршлага судалж, олон улсын бизнест амжилттай ажиллахад шаардагддаг чадвар, мэдрэмжийг эзэмших боломжтой.

АНДИС-д элсэх

Дараах мэдээллийг Японоос гадна оршин суугч япон биш өргөдөл гаргагчдад зориулав. Бусад бүх өргөдөл гаргагчид элсэлттэй холбоотой мэдээлэл авъя гэвэл АНДИС-ийн Элсэлтийн албатай холбоо барина уу. Энд тавих шаардлагыг товчхон оруулсан: бүрэн зөв мэдээлэл авъя гэвэл Элсэлтийн зааврыг харна уу (танд хэвлэмэл хувь хэрэгтэй бол холбоо барина уу) эсвэл манай вэбсайтыг үзнэ үү: <http://www.apu.ac.jp/admissions>.

1. Элсэлтийн үндсэн шаардлага

Бакалаврын сургалтын хөтөлбөр: Нэгдүгээр курсын оюутнаар элсэхийн тулд та зарчмын хувьд албан ёсны 12 жилийн боловсрол эзэмшсэн байх ёстой. Хоёр, гуравдугаар курсээсээ шилжин ирч байгаа бол дээрх шаардлага 13, 14 жил тус тус болно. Мөн англи, япон хэлний аль нэгийг лекц ойлгох хэмжээнд эзэмшсэн гэдгээ нотлох ёстой.

Магистрын сургалтын хөтөлбөр: Зарчмын хувьд та хүлээн зөвшөөрөгдсөн их сургуулиас ердийн бакалаврын зэрэг авсан байх ёстой бөгөөд бие даасан судалгаа хийж, задлан шинжилсэн эссе бичих хэмжээнд англи хэлийг эзэмшсэн байх ёстой.

Докторын сургалтын хөтөлбөр: Товч намтар, судалгааны саналаа Элсэлтийн албанд танилцуулахаар өгч тусгай зөвлөгөө авна уу.

4. Виз авах ба элсэх

Та АНДИС-д элсэх хүсэлтэйгээ баталж, шаардагдах хураамжийг төлсөн бол АНДИС амжилттай өргөдөл гаргагчдын өмнөөс Японд суралцах виз авах шаардлагыг хангасан тухай гэрчилгээ авахаар өргөдөл гаргана. Та дараа нь суралцах виз авах шаардлагыг хангасан тухай гэрчилгээгээ өөрийн орон дахь Японы Элчин сайдын яам, консулын газарт өгч виз авна. Визээ авсан бол та одоо Япон явахад бэлэн боллоо!

5. Төлбөр, хураамж

Дараах зардлууд барагцаалсан тооцоо бөгөөд 2005 оны хичээлийн жилийн төлбөр хураамж дээр үндэслэсэн. Америк долларт шилжүүлэх ханшийг 100 иень = 0.95 АНУ доллар гэж тооцсон. Төлбөр хураамжийн талаар илүү нарийн мэдээлэл авъя гэвэл Элсэлтийн зааврыг унших буюу АНДИС-ийн вэбсайтыг үзэж, валют арилжааны ханшийн мэдээлэлтэй тулгах ёстой.

Нэг удаагийн элсэлтийн хураамж: 100,000 япон иень (ойролцоогоор 950 ам.доллар)

Бакалаврын сургалтын төлбөр: 1,250,000 орчим япон иень (ойролцоогоор 11,875 ам.доллар)



2. Өргөдөл гаргах

Та дараах арга замаар өргөдөл гаргаж болно:

- Интернетээр: дэлгэрэнгүй мэдээллийг АНДИС-ийн вэбсайтанд орж үзнэ үү (www.apu.ac.jp/admissions).
- Цаасаар: танд өргөдлийн багц материал байхгүй бол АНДИС-тай холбоо барина уу.

Өргөдлийг жилийн турш хэзээ ч гаргаж болно. Та элсэлтийн тохиромжтой хугацаанд бүртгүүлэхийн тулд өргөдлөө дараах сар өдрөөс өмнө АНДИС-д хүргэсэн байх ёстой:

- Хаврын (Дөрөвдүгээр сарын) элсэлт: өмнөх жилийн 9 дүгээр сарын 30 (бакалаврын дараах сургалтанд элсэх өргөдлийн тухайд 10 дугаар сарын 31)
- Намрын (Есдүгээр сарын) элсэлт: тухайн жилийн 3 дугаар сарын 31 (бакалаврын дараах сургалтанд элсэх өргөдлийн тухайд 4 дүгээр сарын 30)

3. Шалгах

Өргөдөлд хавсаргасан бүх бичиг баримтыг шалгана. Зарим тохиолдолд тантай ярилцлага хийхийг хүсч болно. Хэрэв таны өргөдөл нааштай шийдэгдвэл өргөдөл хүлээн авснаас хойш хоёр сарын дотор хүлээн авсан тухай болон олгосон тэтгэлгийн тухай мэдэгдэл авна.

Магистр, Докторын зэргийн сургалтын (АНДС/ОУХАБ) төлбөр: 1,400,000 орчим япон иень (ойролцоогоор 13,300 ам.доллар)

Бакалаврын дараах сургалтын (МВА) төлбөр: 1,800,000 орчим япон иень (ойролцоогоор 17,100 ам.доллар)

Амьжиргааны зардал: Та байр, хоол, бусад зүйлд нэг жилд 1,000,000 орчим япон иень (9,500 ам.доллар) зарцуулахаар тооцох хэрэгтэй.

6. Сургалтын тэтгэлэг

АНДИС тэнцсэн өргөдөл гаргагчдад дараах тэтгэлгийг олгоно. Элсэлтийн материалыг шалгах явцдаа мөн тэтгэлэгт тэнцэх эсэхийг нь давхар шалгадаг: тиймээс тусгай өргөдөл гаргах шаардлагагүй.

Сургалтын төлбөрийг хөнгөлөх: Бакалаврын сургалтанд элссэн оюутны сургалтын ердийн төлбөрөөс 30, 65, 100 хувь хөнгөлнө. Бакалаврын дараах сургалтад хамрагдсан оюутнуудын хувьд 20%, 50%, 70%, 100% хөнгөлнө.

Амьжиргааны зардал: Зөвхөн цөөн шилдэг өргөдөл гаргагчдад олгоно. Хоол унданд зарцуулж болох уг тэтгэлгийн хэмжээ нь нэг жилд 500,000, 1,000,000 иень бөгөөд бэлнээр олгодог.

Гадаад улс орнууд дахь АНДИС-ийн төлөөлөгчийн газрууд

Дараах улс орнуудад АНДИС-ийн төлөөлөгчийн газрууд байдаг.

Танай оронд манай төлөөлөгчийн газар байдаг бол тэндээс юм асууж лавлах хэрэгтэй.

Бусад орны оюутнууд доорхи хаягаар АНДИС-ийн Элсэлтийн албатай шууд холбоо барих хэрэгтэй.

Canada

The UBC-Ritsumeikan Academic Exchange Program at
University of British Columbia
Room 333, Ritsumeikan-UBC House,
6460 Agronomy Road, Vancouver, B.C. V6T 1W9, Canada
Tel: +1-604-822-9501 Fax: +1-604-822-9515
URL: <http://www.ritslab.ubc.ca>

China

Ritsumeikan Liaison Office located in Shanghai Jiao Tong University
Address: D, 18F, Suntong Infoport Plaza, No.55, Huaihai West Rd., Shanghai City,
200030 China
Tel: +86-21-6283-5104 Fax: +86-21-6283-5247
E-mail: shanghai@st.ritsumei.ac.jp

Indonesia

APU Office of Indonesia
Address: Summitmas Tower I, 10th Floor Jl. Jend. Sudirman KAV. 61-62,
Jakarta 12190, Indonesia
Tel: +62-21-252-3708/3709 Fax: +62-21-252-3710
E-mail: univrap@pacific.net.id

Korea

APU Office of Korea
Address: #505, Halla Classic Officetel 5th Floor, 824-11
Yeoksam-Dong, Kangnam-gu, Seoul, 135-080, Korea
Tel: +82-2-564-3425/3426 Fax: +82-2-564-3427
E-mail: hello@ritsapu-kr.com
URL: <http://www.ritsapu-kr.com>

Taiwan

APU Office of Taiwan
Address: 7F-5.6, No. 46, Sec. 2, Jhongshan N. Road,
Taipei City 104, Taiwan (R.O.C.)
Tel: +886-2-2523-6852 Fax: +886-2-2523-3910
E-mail: taipei@apu.ac.jp

Thailand

Dr. Twee Hormchong,
Visiting Prof. of Ritsumeikan Center for Asia Pacific Studies
Address: 99/14 Soi 84 Petkasem Road, Bangkok 10160, Thailand
Tel/Fax: +66-2-413-0275
E-mail: twee@apu.ac.jp

*Хиймэл дагуулаас авсан дэлхийн шөнийн байдлын гэрэл зураг.
НАСА-гийн зөвшөөрөлтэй хэвлэв.



Ritsumeikan Asia Pacific University

Admissions Office, Ritsumeikan Asia Pacific University

ADDRESS: 1-1 Jumonjibaru, Beppu, Oita 874-8577, Japan
TELEPHONE: +81 (Japan)-977-78-1119 FACSIMILE: +81 (Japan)-977-78-1121

URL: <http://www.apu.ac.jp/admissions>

E-mail: welcome@apu.ac.jp

